

04 阮兜的糖霜丸

巫素宜

前一站仔我定定感覺心肝頭鬱鬱，規個人無攪無拈，對逐項代誌攞無興頭。阿母看我按呢，提議講：「咱來飼一隻動物伴，好無？」我目睷隨金起來，因為我想欲飼一隻貓仔已經想足久的矣！

我佻阿兄隨佇網路面頂搜揣領養貓仔的消息，用領養代替用買的，嘛算是做好代。無兩工的時間，就揣著佻阮有緣的「阿奇」。伊是一隻三個外月的貓公，有柑仔色的花草，看著有成一隻細隻虎。阿爸佻阿母講希望伊會當消啟我心內的憂愁，就共號做「去憂」；阿兄叫伊「來福」，向望伊來阮兜了後，福氣綴咧來；我叫伊「阿奇」，因為伊今仔來厝裡的時，一直四界看，逐項物件攞足有興趣，遮看一下，遐鼻一下。一睷頭有三个名，毋知伊敢會聽甲花嘎嘎？

今仔來新的環境，阿奇真細膩，行路攞跔跔行，睷的時陣嘛若新婦仔仝款，勾佇壁角咧睷。阿母買一頂睷著誠好勢的眠床欲予伊睷，伊煞毋敢睷佇彼面頂。過兩工仔了後，環境佻人攞較熟矣，伊就若野馬咧，四界從來從去，啥物都毋驚，一直向前衝。想欲睷就倒佇膨椅，規組膨椅攞是伊的；想欲耍，就來共你弄一下，啞你佻伊耍。逐工

阿母煮飯的時，伊嘛會坐佇灶跔陪阿母，抑無，就是倚佇冰箱頭前毋走，袂輸欲叫人共冰箱內底的好食物提出來予伊食仝款。阮若是坐佇膨椅頂，伊嘛會跳起來蠕佇阮身軀邊。阿爸講，寒人伊一定若烘爐咧，摺著誠爽快。

欲飼動物伴進前，阮規家伙仔就分工分好矣，我愛負責共阿奇清屎尿，實在有夠臭的。逐擺我咧清貓仔屎，攞會想著細漢的時，阿母共我搨屎搨尿，是毋是就是按呢？人講：「雙手抱孩兒，才知父母時。」我這馬體會著矣！逐工看伊咧耍迢迢物仔，就若親像咧變猴弄仝款，看著足心適。阮若是心情無蓋快活，伊嘛會來身軀邊軀來軀去，頭敲敲掠你金金相，閣共你耍一下，若像咧講：「毋通艱苦矣，我佇遮陪你。」

以早阿媽攞講我是糖霜丸，這馬阿奇成做是阮兜的糖霜丸矣！

08 龍眼的滋味

曾瓊珠

上臺灣台語課的時，老師有講著一句俗諺：「七月七，龍眼烏，石榴必。」煞予我想著逐年的熟人若到，阿公個兜的龍眼擺會規樣生甲滿滿是，一葩一葩，想著就予人強欲流喙瀾。從我去讀國小開始，逐擺若歇熱，我就會吵阿爸、阿母趕緊煮我轉去，因為阿公個兜遐有我上蓋愛食的龍眼，一粒一粒若細細粒仔的電火球仔，掛佇龍眼樣的樹仔桎，共日頭光擺包佇內底！

會記得有一年，阿公倚佇竹仔梯面頂咧過龍眼，因為我嘛想欲拗一葩家己恰意的來食，阿爸就做一枝竹篙叉予我，按呢我就會當佇樹仔跔絞龍眼矣！啥人知影，因為我絞甲傷致心，竹篙叉掣一下傷大力，龍眼煞雄雄若像落雨，一粒一粒落落來，拄好攏擊佇我的頭殼，害我掣一趔，一直掌頭殼。逐家目睷掠我相，相一下攏笑甲反過去，阿公嘛滾耍笑講：「請你食龍眼，予你考試第一等！」

龍眼殼擘開，內面若像一粒半通光的水晶，咬一喙，甜物物的滋味是佬仔爾幸福咧！有當時仔，我會招因仔伴比賽，看啥人食上濟粒。逐家就一人提一塊碗貯龍眼核，落尾我食上濟粒，逐家就攏叫我「大食神」。

除了鮮的龍眼，阿母閣會共食袂去的提去曝做龍眼乾。

龍眼乾咧曝日的時，規个門口埕擺芳貢貢，連狗蟻恰蜜蜂都攏倚來鼻芳。聽候龍眼乾曝好了後，我攏定定囤幾粒仔佇冊搯仔內底，下課的時當做四秀仔，嘛會分予同學食。個攏啥一下就講：「這是恁兜家己曝的喔？真正有夠好食的！」

我上恰意熱天的欲暗仔，逐家坐佇龍眼樹跔 nà 涼，那食龍眼那開講。阿公攏會講伊少年種龍眼樣的代誌，閣講伊細漢的時無啥物迫迫物仔通耍，就靠跔樹仔、過龍眼做議量。我聽聽咧，嘛想講家己大漢了後，敢會得通種一樣家己的龍眼樣？

龍眼的滋味，對我來講毋但是果子，閣較是厝裡會當予人歡喜甲笑哈哈的氣味恰記憶。逐擺食龍眼，就會想著阿公共我疼惜的笑容。